

**Үкіметтің, Ұлттық Банк пен Қаржы нарығын және қаржы ұйымдарын реттеу мен қадағалау агенттігінің Экономиканы және қаржы жүйесін тұрақтандыру жөніндегі 2009-2010 жылдарға арналған бірлескен іс-қимыл жоспарын қамтамасыз ету үшін Қазақстан Республикасының Ұлттық қорынан бөлінетін қаражаттың пайдаланылуын бақылауды жүзеге асыратын жұмыс тобының қызметі туралы  
№ 126 баспасөз-релизі**

2009 жылғы 26 ақпанда Қазақстан Республикасы Президентінің «АқОрда» резиденциясында Үкіметтің, Ұлттық Банк пен Қаржы нарығын және қаржы ұйымдарын реттеу мен қадағалау агенттігінің Экономиканы және қаржы жүйесін тұрақтандыру жөніндегі 2009-2010 жылдарға арналған бірлескен іс-қимыл жоспарын қамтамасыз ету үшін Қазақстан Республикасының Ұлттық қорынан бөлінетін қаражаттың пайдаланылуын бақылауды жүзеге асыратын жұмыс тобының (бұдан әрі – Жұмыс тобы) кезекті отырысы болып өтті.

Жұмыс тобының отырысына Жұмыс тобының мүшелері, сондай-ақ Қазақстан Республикасы Парламенті Мәжілісінің депутаты – «Нұр Отан» ХДП-ның еліміздің экономикасы мен қаржы жүйесін тұрақтандыруға бағытталған мемлекеттік жәрдемнің бөліну және пайдалану процесіне бақылау жасау жөніндегі партиялық комиссиясының басшысы Г.Д. Қарағұсова қатысты.

Отырысқа «Самұрық-Қазына» ҰӘАҚ» АҚ мен «ҚазАгро» ҰХ» АҚ Басқармасының Төрағалары Қ.Н. Келімбетов пен А.С. Мамытбеков шақырылды, олар Экономиканы және қаржы жүйесін тұрақтандыру жөніндегі бірлескен іс-қимыл жоспары аясында Қазақстан Республикасының Ұлттық қорынан бөлінетін ақшаны игеру барысы туралы ақпарат берді. Қазіргі кезде Жоспарда көзделген ақша қаражаты екінші деңгейдегі банктерге аударылды.

Атап айтқанда, «Самұрық-Қазына» ҰӘАҚ» АҚ берген ақпаратқа сәйкес Ұлттық қордан Жоспар аясында «Самұрық-Қазына» ҰӘАҚ» АҚ-ның арнайы шотына 2009 жылғы 27 ақпандағы жағдай бойынша 1 087,5 млрд. теңге бөлінді. «Самұрық-Қазына» ҰӘАҚ» АҚ-ның мәліметтері бойынша ол былай көрініс тапты:

млрд. теңге

<b>I</b>	<b>Қаржы секторының тұрақтылығы</b>	
1.	«БТА Банкі» АҚ	212
2.	«Қазақстан Халық Банкі» АҚ	60
3.	«Казкоммерцбанк» АҚ	36
4.	«Альянс Банкі» АҚ	24
	<b>Жиынтығы</b>	<b>332</b>
<b>II</b>	<b>Тұрғын үй секторын дамыту</b>	
1.	«БТА Банкі» АҚ	40
2.	«Қазақстан Халық Банкі» АҚ	24
3.	«Казкоммерцбанк» АҚ	24

4.	«Альянс Банкі» АҚ	14
5.	«Банк Центр Кредит» АҚ	3
6.	«Еуразиялық Банк» АҚ	3
7.	«Kaspi Bank» АҚ	3
8.	«Темір Банк» АҚ	3
9.	«Цесна Банк» АҚ	3
10.	«АТФ Банк» АҚ	3
	<b>Жиынтығы</b>	<b>120</b>
<b>III</b>	<b>Шағын және орта бизнесті қолдау</b>	
1.	«БТА Банкі» АҚ	22
2.	«Қазақстан Халық Банкі» АҚ	11,7
3.	«Казкоммерцбанк» АҚ	16
4.	«Альянс Банкі» АҚ	18
5.	«Банк Центр Кредит» АҚ	10
6.	«Еуразиялық Банк» АҚ	3
7.	«Kaspi Bank» АҚ	6
8.	«АТФ Банк» АҚ	10
9.	«Цесна Банк» АҚ	3,3
10.	«Нұрбанк» АҚ	8
11.	«Сбербанк России» ЕБ АҚ	6
12.	«Астана-финанс Банк» АҚ	3
13.	ДАМУ Қоры	3
	<b>Жиынтығы</b>	<b>120</b>

Сонымен қоса, «Самұрық-Қазына» ҰӘАҚ» АҚ 2 банкке («Қазақстан Халық Банкі» АҚ және «Казкоммерцбанк» АҚ) қол қойылған қосымша Келісімдердің аясында экономиканың нақты секторын кредиттеу үшін 144 млрд. теңге бөлді.

«ҚазАгро» ҰХ» АҚ-ның ақпаратына сәйкес Қазақстан Республикасының Ұлттық қорынан агроөнеркәсіптік секторды қолдауға келіп түскен 120 млрд. теңгеден 2009 жылғы 16 наурыздағы жағдай бойынша «Азық-түлік келісім-шарт корпорациясы» ХК» АҚ-ға 5 929 178 300,00 теңге, «Аграрлық кредиттік корпорация» АҚ-ға 466 966 000,00 теңге бөлінді.

Сонымен қатар, «Самұрық-Қазына» ҰӘАҚ» АҚ мен «ҚазАгро» ҰХ» АҚ Қазақстан Республикасының Ұлттық қорынан бөлінетін қаражаттың мақсатты және тиімді пайдаланылуының сақталуын қамтамасыз ету мақсатында тиісті критерийлер әзірлегендерін хабарлады. Аталған критерийлер Қазақстан Республикасы Қаржы министрлігімен алдын ала келісілген болатын.

Қазақстан Республикасы Қаржы министрлігі Жұмыс тобына ұлттық басқарушы холдингтердің Директорлар Кеңестерінің жанынан функциясына ақша қаражатының мақсатты және тиімді игерілуін ішкі бақылауды жүзеге асыру кіретін Мамандандырылған комитеттерді құру жұмысын жүргізу туралы ақпарат ұсынды.

Жұмыс тобы отырысының қорытындылары бойынша Қазақстан Республикасының Ұлттық қорынан бөлінетін ақша қаражатының нақты игерілуі туралы ақпаратты тыңдау мақсатында келесі отырысқа екінші деңгейдегі банктердің басшыларын шақыру жөнінде шешім қабылданды.

#### Анықтама

2009 жылғы 19 қаңтарда Мемлекет Басшысының Өкіміне сәйкес Үкіметтің, Ұлттық Банк пен Қаржы нарығын және қаржы ұйымдарын реттеу мен қадағалау агенттігінің Экономиканы және қаржы жүйесін тұрақтандыру жөніндегі 2009-2010 жылдарға арналған бірлескен іс-қимыл жоспарын қамтамасыз ету үшін Қазақстан Республикасының Ұлттық қорынан бөлінетін қаражаттың пайдаланылуын бақылауды жүзеге асыратын жұмыс тобы құрылды.

Аталған жұмыс тобының құрамына Қазақстан Республикасы Бас прокуратурасының, Қазақстан Республикасы Ұлттық қауіпсіздік комитетінің, Қазақстан Республикасы Экономикалық қылмысқа және сыбайлас жемқорлыққа қарсы күрес агенттігінің (қаржы полициясы), Қазақстан Республикасы Қаржы министрлігі Қаржылық мониторинг комитетінің басшылары, Қазақстан Республикасы Президентінің көмекшісі кіреді. Жұмыс тобына Қазақстан Республикасы Қаржы нарығын және қаржы ұйымдарын реттеу мен қадағалау агенттігінің Төрайымы Е.Л. Бахмутова басшылық етеді.

Жұмыс тобының негізгі мақсаты Бірлескен іс-қимыл жоспарының шеңберінде Қазақстан Республикасының Ұлттық қорынан бөлінетін қаражаттың мақсатты, заңды және тиімді жұмсалуын бақылау және оған мониторинг жүргізу болып табылады.